

集  
古  
官  
印  
考

集古官印攷卷二

嘉定瞿中溶編輯

男樹鎬校刊

印存

右印文曰東鄉家丞案地理志東鄉屬沛郡不云侯國郡國志并無此縣蓋已併入他縣矣攷後漢延熹中抗徐及孝順帝時籍建俱封東鄉侯東鄉蓋鄉名所謂鄉侯也鄉有東西南北之名故後漢順侯嘉子

參中山簡王焉曾孫荆及鄧萬世左稱皆封南鄉侯任世左黨皆封北鄉侯竇靖曹琰皆封西鄉侯而攷漢書王子侯表東鄉節侯方梁敬王子建昭四年正月封侯護嗣免下標沛則卽沛郡之東鄉縣也蓋因國已先除或爲鄉侯故志不言侯國耳此疑卽敬王子孫之家丞印乃西京時物也

桂氏

右印文曰睢陵家丞案地理志睢陵屬臨淮郡郡國志屬下邳國少詹外舅跋此印云翁氏兩漢金石記載此印文云睢陵家丞漢郡國志睢陵不言侯國翁亦疑而未決予攷晉書王祥封睢陵公公國有家丞一人則此印必是晉時物中溶攷晉制諸王及五等之國止置典書典醫典府等丞而無家丞據宋書百官志言太子有家令一人丞一人晉世置然晉志亦止有令而無丞又攷史記建元以來侯者年表江都易王子劉定國元朔元年正月封睢陵侯元鼎五年

國除漢書王子侯表睢陵誤作淮陵又攷後漢改臨淮郡爲下邳國兩志既皆有睢陵又皆有淮陵而亦不云侯國據范史王霸傳云建武三十年封淮陵侯子符嗣徙封軼侯然則兩志於睢陵淮陵皆不云侯國者豈皆因先已國除及徙封邪又攷漢書功臣侯表宣平武侯張敖四世侯廣孫元光三年以王弟紹封睢陵侯元鼎二年侯昌嗣太初二年坐免則漢時封睢陵侯者尙非一人又皆在西京時也

大年據潘氏有爲看篆樓印譜摹補

右印文曰牧丘家丞當即前牧丘侯之丞也詳前

攷漢書外戚傳竇皇后生女嫖及景帝竇爲皇后女爲館陶長公主又功臣侯表堂邑侯陳嬰孫午尚館陶公主然則此當是館陶公主家丞之印無疑又後

漢書皇后紀後又云世祖女皇女紅夫十五年封館  
陶公主適駙馬都尉韓光又云漢制皇女皆封縣公  
主儀服同列侯諸王女皆封鄉亭公主儀服同鄉亭  
侯其皇女封公主者所生之子襲母封爲列侯皆傳  
國於後鄉亭之封則不傳襲又百官志言諸公主母  
主家令一人六百石丞一人三百石然則館陶爲公  
主所食邑非侯國也故志皆不云侯國薛尙功鐘鼎  
款識有長信賜館陶家金可與此互證外戚傳言竇  
太后遺詔盡以東宮金錢財物賜長公主嫖蓋釜即

其一物也而薛氏未引

印存顧譜鼻鉗

右印文曰梁旁家丞案兩漢皆無梁旁縣而攷魏晉以後諸侯王國皆不置家丞則此亦當爲漢印梁旁恐亦如牧正之類乃鄉名也

桂氏

右印文曰明義侯家丞案地理志九江郡歷陽莽曰  
明義則此爲莽時物印文加侯字合五字亦與莽所  
鑄印制合東觀漢記言更始以上爲太常偏將軍時  
無印得定武侯家丞印佩之蓋即此類也

顧譜鼻鉢

右印文曰多賛子家丞集古印譜云漢列侯有家丞  
而王莽置五等爵有公侯伯子男莽盡封王氏五服  
皆以號爲號姚媯田陳之封亦然其封小功之屬爲

子多睦子必莽小功之屬也然莽所改縣如建睦加  
睦弘睦季睦以睦爲名者十有三未聞多睦蓋以縣  
封者皆期親侯國若子男之封地鄉亭故志所不錄  
也而莽雖於始建國四年授諸侯茅土以圖簿未定  
授國邑且令受奉都內故初睦侯姚恂始睦侯嬌昌  
雖侯亦不見他志子男未有分地無足疑也中溶攷  
漢書王莽傳言封王氏齊縗之屬爲侯大功爲子總  
麻爲男其女皆爲任男以睦女以隆爲號皆授印轍  
師古曰任充也男服之義男亦任也音壬睦隆皆其

受封邑之號取嘉名也

桂氏

右印文曰條睦子家丞案此與前同亦莽時印翁閣學兩漢金石記亦模有其文

大年據金索摹補

右印文曰上符子家丞攷地理志北海郡劇魁莽曰  
上符此亦王莽時印無疑

右印文曰進符子家丞此印亦五字且用符字與前  
略同攷莽改地名曰符者甚多而地理志定襄郡安  
陶莽曰迎符迎與進字形相近疑迎符即進符之譌

右印文曰舉武子家丞攷漢書王莽傳居攝元年西羌龐恬傳幡等怨莽奪其地作西海郡反攻西海遣護羌校尉竇況擊之二年春竇況等擊破西羌九月東郡太守翟義立嚴鄉侯劉信爲天子移檄郡國誅莽遣王邑孫達等八將軍擊義槐里男子趙明霍鴻等起兵以和翟義遣將軍王奇王級將兵拒之以太保甄邯爲大將軍十二月王邑等破翟義於圉三年

春王邑與王級等合擊明鴻皆破滅於是勞賜將帥  
諸陳崇治棟軍功第其高下莽請諸將帥當受爵邑  
者爵五等地四等奏可於是封者高爲侯伯次爲子  
男當賜爵關內侯者更名曰附城凡數百人擊西海  
者以羌爲號擊槐里者以武爲號翟義以虜爲號則  
此舉武子與前永武男蓋皆即擊槐里有功而賜爵  
爲子者也

右印文曰重武男家丞海甯許珊林刺史槐所藏與前各印略同其舉武當亦擊槐里有功者

右印文曰離睦男家丞案此亦稱睦當與前多睦子同亦莽印也

桂氏

右印文曰就武男家丞此印亦用武字與前同

桂氏

右印文曰喜威睦男家丞案此必亦莽時印見桂氏  
繆篆分韻而引作喜威睦男家丞乃六字與莽制不

合

范氏五鈕

右印文曰喜威德男家丞案此印文喜威下作德而非睦與前桂氏之印又異而文亦爲六字與莽制不合未知其故且加德字亦無攷

印叢稿錄

右印文曰永武男家丞案地理志并州定襄郡武皋莽曰永武則此印爲王莽時物無疑餘詳後

查氏

右長聚則丞印攷古以人所集之處名聚史記舜所居一年成聚是也王莽改縣名曰聚者亦甚多而此長聚未見於史志莽封國以子男爲一則前相印言順武男則相似卽子男之相又前侯子男各丞印皆曰家丞而此印則上無男丞上無家又加印字合成五字似子男與則尙有分別而則但稱丞不曰家丞亦似與子男之家丞不同當是國丞卽縣丞之類也此鄭注周禮班氏史傳及前人論說所未詳者以此見前代一名一物留遺皆有補於經史之功爲不少

愚意此爲莽於建國時授諸侯茅土之制至前侯子  
男家丞諸印乃居攝時請賞軍功將帥爵邑之制豈  
前後不同故印文亦有異歟

右印文曰平的國丞案地理志平的侯國屬北海郡  
郡國志北海國無平的蓋已併入他縣矣攷漢書王  
子侯表平的戴侯強菑川懿王子元朔二年五月封  
又有忠侯中時節侯福頃侯鼻釐侯利親史記侯者

表的誤酌又案百官表言列侯所食縣曰國皇太后  
皇后公主所食曰邑百官志云公主所食湯沐邑曰  
國則前後之制不同此平的乃列侯與王子侯表合  
當爲西漢物攷說文的在日部云明也从日勺聲易  
曰爲的類後人書的字多誤日旁爲白旁顏師古於  
地理志云的音丁歷反其字从目蓋見後代多誤从  
自故特正之而今本的旁及从日之日亦皆誤自此  
印真漢篆之可據者史言漢制改王侯所封之太守  
令長爲相又置家丞據此及後抑裴國尉印知其縣

仍有丞與尉之官特稱國丞以別於家丞而尉亦隨之加國字也蓋家丞乃專理其家事者而邑之文書倉獄等仍有丞以掌之此皆史志所未詳可以補其闕略者

右印文曰金鄉國丞案郡國志金鄉屬山陽郡不云侯國而地理志無此縣攷漢書王子侯表東平思王

孫不害元始元年二月封金鄉侯亦當是縣侯而非  
鄉侯疑地理志有脫誤地理志山陽郡有中鄉及曲  
鄉二縣皆云侯國皆不見於郡國志恐其中必有金  
鄉一縣之誤此亦非家丞與前印同



右印文曰綏仁國丞故綏仁縣名不獨兩漢志所未  
見即後代亦無而形制字文皆與前二印不異姑附  
存之

印統證摹



右印文曰擲裴國尉案地理志魏郡卽裴侯國莽曰  
卽是應劭曰裴音非郡國志魏郡無此縣蓋已併入  
他縣矣攷漢書王子侯表擲裴戴侯道趙敬肅王子  
征和元年封又有哀侯尊頃侯章釐侯口及發鄭氏  
曰擲裴音卽非在肥鄉縣南五里卽非城也漢表下  
標東海然志旣言侯國當卽魏郡之縣疑表誤鄭德  
乃別爲肥鄉縣之說耳兩漢東海郡皆無肥鄉縣也

此印亦西京時物餘詳前國丞下



右印文曰復陽國尉案地理志有兩復陽縣一屬清河郡一屬南陽郡云侯國此當是南陽之復陽也攷王子侯表復陽嚴侯延年長沙頃王子元康元年正月癸卯封煬侯漢嗣侯道嗣免下標南陽縣郡國志清河改郡爲國無復陽蓋已併入他縣而南陽郡之復陽亦云侯國又攷熊方後漢書補表宦者侯表有

復陽侯李建以中黃門定策侯延光四年十一月辛巳封



右印文曰和善國尉案此與前二印略同而攷兩漢志皆無以和善名縣者漢書地理志中山北平莽曰善和而非和善且其文四字與莽制不合而郡國志汝南郡有思善云侯國又作思不作私思善侯於史無攷熊方補表亦無而凡漢人私印之私ム旁每作

口似口耳之口與和字易混故毛詩小雅皇皇者華  
每懷靡及傳懷和也箋云春秋外傳曰懷私爲每懷  
也和當爲私正義後又引鄭志答張逸問詳之疑此  
印文實私字之繆篆私思音同易誤豈郡國志私乃  
思之誤耶然據隸釋楊著碑文有拜思善侯相句則  
思字寶不悞不可解也姑同前綏仁國丞例附於此  
范氏譜已有此印文略同云鼻鈕

印叢鼻鈕顧譜同



右印文曰王翁主尉集古印譜曰按史記漢齊厲王母曰紀太后取其弟女爲厲王后王不愛紀氏女太后令其長女紀翁主入王宮正其後宮母令諸姬得近王欲王愛后也如淳曰諸王女云翁主稱母姓故謂之紀翁主此印爲王女家臣明矣中溶攷漢書高祖紀女子公主注如淳曰公羊傳曰天子嫡女於諸侯必使諸侯同姓主之故謂之公主百官表列侯所食曰國皇后公主所食曰邑帝姊妹曰長公主諸王女曰翁主師古曰如說得之天子不親主婚故

謂之公主諸王即自主婚故其女曰翁主翁者父也  
言父主其婚也又匈奴傳高祖始劉敬奉宗室女翁  
主爲單于閼氏文帝復遣宗人女翁主爲單于閼氏  
師古曰諸王女曰翁主者言其父自主婚匈奴傳後  
亦屢言翁主

鄉侯 亭侯

漢書百官公卿表縣十里一亭十亭一鄉大率百  
里其民稠則減稀則曠鄉亭亦如之皆秦制也鄉  
亭之數鄉六千六百二十二亭二萬九千六百三

十五續漢書郡國志注東觀書曰永興元年鄉三千六百八十一亭萬二千四百四十三攷西京雖有鄉亭侯而無其名故與列侯爲通稱至東漢始有鄉侯亭侯之目然鄉亭之侯有稱某鄉某亭之名者亦有稱某縣鄉侯某縣亭侯而無鄉名亭名者又顧氏曰知錄云通典獻帝建安初封曹操爲費亭侯亭侯之制自此始也恐不然靈帝以解瀆亭侯入繼桓帝紀封單超等五人爲縣侯尹勲等七人爲亭侯列傳中爲亭侯者甚多大抵皆在章

和以後丁紱言能薄功微得鄉亭侯厚矣樊宏願

還壽張食小鄉亭侯則建武中似已有亭侯矣

漢

春秋高祖封許負爲鳴雌亭侯裴松之曰高祖時封皆列侯未有鄉亭之爵疑爲不然蜀志中山靖王子貞元狩六年封涿縣陸城亭侯漢書作陸城侯志文衍一亭字

龜

鉏



右印文曰長安鄉侯案地理志長安高帝五年置屬京兆尹郡國志同云高帝所都太平寰宇引賈耽郡國志縣道記云長安蓋古鄉聚名在渭水北對秦咸

陽宮漢於其地作未央宮謂大城曰長安城五年置縣以長安爲名

查氏吳氏塗金龜鉢



右印文曰安陽鄉侯案地理志汝南郡安陽侯國又漢中郡亦有安陽郡國志並同攷今所見鄉亭侯往往有與縣名同者蓋或稱縣或稱鄉有鄉名者稱鄉名其無者即以縣名統之但著曰鄉曰亭以別於縣

耳

桂氏

右印文曰安陵鄉侯案地理志安陵惠帝置屬右扶  
風師古曰闢駟以爲本周之程邑也郡國志同攷水  
經注名陵有安陵鄉詳後亭侯

張氏顧諤龜鉏



右都亭侯印攷後漢書王美人紀兄斌興平元年封都亭侯章懷注凡言都亭者城內亭也漢法大縣侯位視三公小縣侯位視上卿鄉亭侯視中二千石也日知錄云秦制十里一亭十亭一鄉

風俗通曰漢家因秦大率十里

亭亭留也蓋行旅宿會之所其都亭則如今之關廂司馬相如往

臨邛舍都亭

史記索隱曰郭下之亭也漢書注師古曰臨邛所治都之亭後漢陳寔嘗爲都

亭刺佐嚴延年母止都亭不肯入府何並斬王林卿奴頭井所剝建鼓置都亭下後漢書陳王寵有彊弩數

千張出軍都亭會稽太守尹興使陸續於都亭賦民

館粥酒泉寵娥刺殺讐人於都亭吳志魏使邢貞拜  
權爲吳王權出都亭侯貞是也京師亦有都亭後漢  
書張綱埋其車輪於雒陽都亭寶武名會比軍五校  
士屯都亭何進率左右羽林五營士屯都亭王喬爲  
葉令帝迎取其鼓置都亭下是也中溶攷蔡邕獨斷  
云巡狩校獵還公卿以下陳洛陽都亭前街上爲甯  
人所未舉



右印文曰安樂亭侯案地理志上谷郡有安樂縣攷東漢參連鄉侯杜茂孫奉封安樂亭侯又溫侯王允孫黑建安中亦封安樂亭侯



楊氏遺集古秦漢印譜

右印文曰常樂亭侯攷兩漢縣名無常樂史記建元以來侯者年表常樂侯稠雕元狩三年七月封又侯廣漢嗣漢書功臣侯表同云太始元年薨亡後下標濟南而兩漢皆無此縣又攷後漢書有常樂亭侯俊

爲毅邊將軍建安時封則此印疑即其人蓋西京稠  
雕所封當亦即亭侯而常樂乃濟南之亭非縣也

吳氏古印譜



右印文曰長樂亭侯攷兩漢亦無長樂縣長常古通  
漢瓦當文長樂未央之長亦有作常者此印文與范  
氏印譜無異云鍍金龜鈕蓋先藏於范者

印范塗金龜鈕



右印文曰安陵亭侯安陵已於前鄉侯印詳之攷郡國志汝南郡征羌侯國有安陵亭劉昭注史記元忌說魏安僖王曰王之使者出過而惡安陵氏子秦博物記曰故安陵君也又後漢來歛封征羌侯本傳云改汝南之當鄉爲征羌國又水經注云征羌縣故名陵縣之安陵鄉安陵亭也又後漢王朗延康元年封安陵亭侯熊表下標汝南征羌亭



印存

右印文曰東武亭侯案地理志東武屬鄒鄒郡郡國  
志改郡爲國攷後漢鍾繇以建安元年八月封東武  
亭侯

顧譜塗金龜鉦



右印文曰安昌亭侯案地理志安昌侯國屬汝南郡  
郡國志同攷後漢建安時許褚封安昌亭侯

龜鉦

顧譜塗金龜鉦



右印文曰武陽亭侯案地理志武陽有二一屬東海  
郡一屬犍爲郡郡國志止有犍爲之武陽蓋屬東海  
者已并入他縣矣攷後漢孝安時功臣侯有鄉侯馬

賢孫光以永和六年十二月封舞陽侯

殿本東觀紀光作承太後紀

漢紀作承光云漢安元年封列侯

印叢龜紐願譜鼻紐



右印文曰平都亭侯平都詳前侯印



右印文曰開封亭侯案地理志開封屬河南郡郡國志改郡爲尹



金氏塗金龜紐

右印文曰陽安亭侯案地理志陽安屬汝南郡應劭曰道國也今道亭是郡國志云陽安道亭故國此或即陽安道亭之侯也



右印文曰武鄉亭侯案漢志琅邪郡有武鄉縣云侯國莽曰順理



右印文曰安邑亭侯案漢志河東郡有安邑縣



右印文曰臨水亭侯案地理志西河郡有臨水縣葬  
曰監水

顧譜



右印文曰陽平亭侯案地理志陽平屬東郡郡國志  
云侯國



右印文曰西陽亭侯案地理志有兩西陽一屬江夏

郡一屬山陽郡侯國郡國志止有屬江夏者印爲張叔未所收

印叢龜鈕顧譜

右印文曰長貴亭侯攷兩漢縣名無長貴以下蓋皆亭名無攷此印亦見范氏印譜其文亦彷彿云塗金  
龜鈕



右印文曰永貴亭侯無攷嘉興張叔未

廷濟藏

塗金龜紐



右印文曰廣晉亭侯無攷

顧譖



右印文曰署門亭侯無攷案署當即皋之繆篆與馬援正成皋丞印作四下羊之譌正同

鮮城

范氏鍛金龜鉦

望山亭侯無攷

右印文曰鮮城亭侯無攷



右印文曰魚龍亭侯無攷

趙凡夫印譜摹本

右印文曰望山亭侯無攷

顧譜



右印文曰口都亭侯都上一字不可識顧作宜都

湯氏漢銅印譜



右印文曰口鄉亭侯鄉上一字不可辨

顧譜



右南亭侯印無攷



顧譜塗金龜鉦

右柱亭侯印無攷

塗金龜鉦



右關內侯印案漢書百官公卿表爵十九級關內侯  
師古曰言有侯號而居京畿無國邑續漢書百官志

承秦賜爵十九等爲關內侯無土寄食在所縣民租  
多少各有戶數爲限如淳曰列侯出關就國侯但爵  
身其有家累者與之關內之邑食其租稅苟綽晉百  
官表注曰時六國未平將帥皆家關中故以爲號劉  
劭爵制曰關內侯者依古折內子男之義也秦都山  
西以關內爲王畿故曰關內侯也




達金龜錄



右關中侯印顧氏集古印譜曰建安五年曹孟德始

制名號侯至五大夫與舊制列侯關內侯凡六等以  
賞軍功而關中侯爵十七級金印紫綬不食租虛封  
耳



集古官印攷卷三

嘉定瞿中溶編輯

男樹鎬校刊



右印文曰司徒長史案百官公卿表言哀帝元壽二年更名丞相曰大司徒而丞相有兩長史秩千石百官志司徒公一人本注曰掌人民事凡教民孝悌遜順謙儉養生送死之事凡國有大疑大事與太尉同世祖即位爲大司徒建武五十七年去大長史一人

千石劉昭注引漢官儀王莽時議以漢無司徒官故定三公之號曰大司馬大司徒大司空世祖即位因而不改

查氏



右御史大夫章案百官公卿表御史大夫秦官位上卿銀印青綬掌副丞相成帝綬和元年更名大司空金印紫綬比丞相哀帝建平二年復爲御史大夫元壽二年復爲大司空注引漢官舊儀丞相刺史常以

秋分行部御史爲駕四封乘傳攷平帝紀如淳注律  
當乘傳及發駕置傳者皆持尺五寸木傳信封以御  
史大夫印章此文不曰印而但曰章與將軍諸印同  
似尊而貴之也印文五字雖與王莽時印同恐非是



右御史中丞章案此即御史大夫蓋東漢改中丞爲  
大夫也故漢表無中丞百官志無大夫攷百官志御  
史中丞有治書侍御史二人侍御史十五人皆六百

石此與前形制同而亦稱章

印存顧譜龜钮



右繡衣執法大夫印案漢書王莽傳中郎將繡衣執法各五十五人分填音竹刀反緣邊大郡督大姦猾擅弄兵者又百官公卿表御史大夫內領侍御史有繡衣直指出討姦猾治大獄武帝所制不常置百官志言御史中丞有治書侍御史二人及大朝會大封拜則二人監威儀有違失則劾奏蔡質漢儀曰其二人者

更直執法省中者皆糾察百官督州郡公法府掾屬  
高第補之蓋繡衣執法本皆御史大夫之屬王莽置  
爲一人此印文曰繡衣執法大夫疑王莽時制又莽  
置九卿每卿置三大夫凡三十七大夫印文大下旁  
加二作夫字攷宋景文筆記云古者大夫字便用疊  
畫寫之以夫有大音故也莊子李斯碑如此惟  
所見莽時印皆五字與此制不合或是後代物此印  
已見范氏譜文略同云鍍金龜鈕顧氏所摹較此爲  
小

桂氏

三

右蘭臺令史印案百官公卿表無此官百官志少府屬職有蘭臺令史六百石注曰掌奏及印工文書則此爲東漢印而印文五字亦與王莽時印同疑亦莽時物



范氏辟邪鑄



印存

右印文曰大鴻臚丞案百官公卿表大鴻臚屬官有

行人譯官別火三令丞及郡邸長丞百官志大鴻臚  
丞一人比千石此印統曰大鴻臚丞蓋東漢時印



桂氏

右典客丞印案公卿表典客秦官掌諸歸義蠻夷有  
丞景帝中六年更名大行令武帝太初元年更名大  
鴻臚則此印當爲西京中六年以前物

大年據印史摹補

金氏塗金龜紐



右宗正之印案百官公卿表宗正秦官掌親屬平帝元始四年更名宗伯百官志宗正卿一人中二千石本注曰掌序錄王國嫡庶之次及諸宗室親屬遠近郡國歲因計上宗室名籍若有犯法當髡以上先上諸宗室宗正以聞乃報決此印文不曰宗正卿當爲西京物

又見范氏虎鉢



右印文曰黃門給事案漢書百官表尙書屬官有諸  
僕射署長中黃門注師古曰中黃門謂奄人居禁中  
在黃門之內給事者也表又言給事中亦加官所加  
或大夫博士議郎掌顧問應對位次中常侍中黃門  
有給事黃門續漢書百官志黃門侍郎六百石本注  
自無員掌侍從左右給事中關通中外及諸王朝見  
於殿中引王就坐又注引獻帝起居注曰帝初卽位

初置侍中給事黃門侍郎員各六人出入禁中近侍  
帷幄則漢末始有此官也然宋書百官志引漢百官  
表秦曰給事黃門無員掌侍從左右漢因之漢東京  
日給事黃門侍郎亦無員



右中尉之印案百官公卿表中尉秦官掌徼循京師  
有兩丞候司馬千人武帝太初元年更名執金吾秩  
中二千石又諸侯王官亦有中尉掌武職百官志中

尉一人比二千石本注曰職如郡都尉主盜賊



桂氏



右武庫令印案百官公卿表執金吾屬官有中壘寺  
互武庫都船四令丞百官志武庫令丞一人六百石  
本注曰主兵器

大年據印史摹補



查氏

右印文曰武庫中丞案百官公卿表中尉屬官都船  
武庫有三丞百官志武庫令丞一人印文曰武庫中  
丞蓋西京武庫本有三丞或以左右中爲別耳此當  
是西京物

桂氏

右印文曰執金千人案百官公卿表言中尉武帝更  
名執金吾有兩丞候司馬千人師古曰候及司馬及  
千人皆官名也屬國都尉云有丞候千人西域都護

云司馬候千人各二人凡此千人皆官名也而攷百  
官志執金吾下無千人明文則此印當爲西漢物惟  
執金下無吾字似於義未妥豈以印文止用四字而  
省去之邪



莊氏

右印文曰執金吾左掌記案執金吾漢官左掌記似  
即後代記室之流然於漢志無攷宋書百官志言晉  
初罷執金吾則此或漢末魏初之官

大年據張氏禹襄孝慈堂印譜摹補

范氏龜紐



右五官中郎將印案漢書百官公卿表言中郎有五官左右三將秩皆比二千石續漢百官志云五官中郎將一人比二千石本注曰主五官郎



右印文曰期門僕射案百官公卿表期門掌執兵送

武帝建元三年初置比郎無員多至千人有僕射秩  
比千石平帝元始元年更名虎賁郎置中郎將秩比  
二千石則此印當爲西京元始以前物宋志言漢武  
帝建元三年始徵行出遊選材力之士執兵從送期  
之諸門故名期門無員多至千人

椎氏



右虎賁中郎將印案詳前攷顏師古曰賁讀與奔同  
言如猛獸之奔百官志虎賁中郎將比二千石注曰

主虎賁宿衛蔡質漢儀曰主虎賁千五百人無常員  
多至千人戴鶡冠次右將府又虎賁舊作虎奔言如  
虎之奔也王莽以古有勇士孟賁故名焉孔安國曰  
若虎貳獸言其甚猛

大年據印正摹補



右印文曰武猛中郎將案武猛中郎將見隸續末卷  
無碑名題名此印文五字亦與王莽時制同武林何

夢華印本



桂氏

右印文曰右公車官案漢書百官表衛尉秦官掌宮  
衛屯兵屬官有公車司馬衛士旅貢三令丞此不稱  
司馬令丞而云右公車官似非漢官然攷後代亦未  
見有其名或亦是漢末魏初之官

大年據明范氏大澈集古印譜摹補吳氏觀均稽  
古齋印譜亦有案漢魏六朝官印皆用白文此左

右公車官印用朱文且甚奇古蓋周印也說詳大  
年所纂印志瞿氏未見原印故云或漢末魏初官



桂氏

右印文曰左公車官當與右公車官同

夫年據明顧氏從德集古印藪摹補明王氏常秦  
漢印統范氏萊印原無名氏秦漢印真蹟金索並  
有

趙氏

右詹事丞印案百官公卿表詹事秦官掌皇后太子家有丞臣瓚曰茂陵書詹事秩二千石師古曰皇后太子各置詹事隨其所在以名官百官志太長秋本注曰承秦有詹事一人位在長秋上宦者主中諸官成帝省之以其職并長秋則東漢已改詹事爲長秋兼官矣此印當是西京物

桂氏

右顯平詹事丞印案詹事本掌皇后事之官攷王莽之母封功顯君此云顯平或亦皇后之封號也

桂氏

右廩倉口印案公卿表詹事屬官有倉廩令長丞諸宦官皆屬焉乃皇后之官也則此廩倉口印當即廩倉令長丞等官而郡國志不言則此當爲西京物

顧譜



右太子率更令印案百官公卿表詹事掌皇后太子家屬官有太子率更家令張晏曰太子稱家故曰家令百官志太子率更令一人千石本注曰庶子舍人更直職似光祿此無家字當爲後漢印



右信都食官長印案漢書百官公卿表詹事屬官有

倉廩祠祀食官令長丞又地理志信都國注云景帝  
二年爲廣川國宣帝甘露三年復故劉敞曰景帝二  
年初封王子彭祖爲廣川王都信都四年徙趙國除  
爲信都郡中二年封皇子越爲廣川王傳國至王汝  
陽廢當甘露四年也疑此信都下注當云高帝置景  
帝二年爲廣川國宣帝甘露四年復故中溶攷諸侯  
王表元帝子中山孝王興建昭二年六月立爲信都  
王十五年陽朔二年徙中山凡三十年薨綏和二年  
王箕子嗣六年元壽二年立爲皇帝又宣帝子楚孝

王驥孫景建平二年自定陶王徙信都十三年王莽篡位貶爲公明年廢則西漢封信都王者非一人也



右郭海食官長印與前印略同案兩漢志皆有郭海郡而攷東漢時千乘王後孝王子續嘗封郭海主此印當即其食官長之印也說文邑部郭郭海地从邑字聲力部勃排也从力辛聲二字誼別郭海之郭後代多混誤从力且又有加水旁作渤者故徐鼎臣云

今俗作渤非是

皇朝藏書  
查氏



右廩犧令印案百官公卿表景帝二年分置左內史  
左子當脫右字右內史武帝太初元年更名京兆尹左內史  
更名左馮翊張晏曰馮翊補也翊佐也屬官有廩犧令丞尉師古  
曰廩主藏穀犧主養牲皆所以供祭祀也百官志廩  
犧令六百石掌祭祖犧牲鴈鷺之屬中興屬河南尹  
此印見范氏譜皆合云鼻鉢蓋即范所藏物也

桂氏



右太倉令印案百官公卿表大司農屬官有太倉令  
丞百官志太倉令一人六百石本注曰主受郡國傳  
漕穀丞一人

大年據印史摹補

印統



右軍倉丞印漢書百官表治粟內史秦官掌穀貨有

兩丞景帝後元年更名大農令武帝太初元年更名  
大司農屬官有大倉丞郡國諸倉丞農監都水六  
五官長丞皆屬焉搜粟都尉武帝軍官不常置則此  
印疑即武帝時搜粟都尉所屬軍官之倉丞也

桂氏



右考工令印案百官公卿表少府屬官有攷工室令  
丞武帝太初元年更名考工室爲考工百官志考工  
令一人六百石本注曰主作兵器弓弩刀鎧之屬

印號



右太醫丞印案百官公卿表太常屬官有太醫令丞  
又少府屬官亦有太醫令丞千石百官志止少府屬  
職有太醫令一人六百石本注曰掌諸醫藥丞方丞  
各一人本注曰藥丞主藥方丞主藥方此印文但曰  
丞當爲西京印

桂氏



右將作丞印案百官公卿表將作少府秦官掌治宮  
室有兩丞左右中候景帝中六年更名將作大匠屬  
官有石庫東園主章左右前後中校七令丞又主章  
長丞武帝太初元年更名東園主章爲木工成帝陽  
朔三年省中候及左右前後中校五丞百官志將作  
大匠一人丞一人六百石此印但稱丞當爲後漢物  
大年據印史摹補



桂氏

右右司空印案百官公卿表少府屬官有左右司空此右司空之印也

大年據范譜摹補吳譜亦有



右印文曰未央廩丞案百官公卿表太僕秦官掌輿馬有兩丞屬官有大廩未央家馬三令各五丞一尉百官志未央廩令一人六百石本注曰主乘輿及廩中諸馬長樂廩丞一人又言舊有六廩皆六百石令

中興省約但置一廡攷三輔黃圖云未央大廡在長安故城中漢官儀曰未央宮六廡長樂承華等廡令皆秩六百石又攷宋書百官志驛驅廡丞一人漢西京爲龍馬長東京爲未央廡令魏爲驛驅令蓋西京未央本六廡後漢并爲一廡此即長樂廡丞也



查氏

右右牧官印攷地理志北地郡靈州惠帝四年置有河奇苑號非苑師古曰苑謂馬牧也又郁郅泥水出

北虜夷中有牧師苑官又遼東郡襄平有牧師官百  
官志長樂廡丞一人本注曰下又有牧師苑皆令官  
主養馬分在河西六郡界中中興皆省惟漢陽有流  
馬苑但以羽林郎監領又攷隋書百官志言行宮所  
在皆立總監以司之龍右諸牧置左右牧監各一人  
此稱官不稱監非隋物也

右顯平監印案與前詹事丞上顯平二字同然攷漢

官名監者有廷尉祕書羽林尙食而据史記李陵及  
衛青傳有建章監漢書昭帝紀蘇武爲核中監傳介  
子傳遷平樂監似皆離宮之名疑此顯平亦宮名也  
豈此即皇后所居之宮前有詹事丞者邪



右印文曰右泉苑監攷漢有上林等苑詳三輔黃圖  
而右泉之名未見然續漢書郡國志云鈞盾令一人  
六百石本注曰宦者典諸近池苑囿游觀之處又有

濯龍監直里監各一人四百石本注曰濯龍直里皆  
園名漢官曰又有胡熟監一人濯龍監秩六百石又  
攷三輔黃圖云三十六苑漢儀注太僕牧師諸苑三  
十六所分布北邊西邊以郎爲苑監宦官奴婢三萬  
人養馬三十萬匹養鳥獸者通名爲苑故謂之牧馬  
處爲苑然則此印恐係牧馬苑監之郎官所佩也



顧譜

右中臧府印案百官公卿表無此官百官志中臧府

令一人六百石本注曰掌中幣帛金銀諸貨物丞一人而印文不分令丞蓋令之印也或中臧府本止有一印耳攷隸釋中常侍樊安碑吉成侯州輔碑俱有臧府令又無中字藏作臧正與此合古無藏字漢碑皆作臧惟藏椁則加十頭以別之後代以臧字訓善藏爲收藏截然分爲兩字矣證以此印及漢碑知志作藏亦臧之誤此印定爲漢物



吳氏金氏鼻璽

右中官府印案百官志有中官私府令丞皆宦者爲之然作宮與中官僕及謁者尙書等文同據此作官又無私字爲可疑然攷志於大長秋本注言詹事位在長秋上亦宦者主中諸官作官不作宮豈史志有誤邪此印見范氏譜皆合蓋即一印而前爲范所藏也



右印文曰黃室私官右丞攷後漢書百官志諸公主

每主家令一人六百戶丞一人三百石注引漢官曰  
私府長一人秩六百石家丞一人三百石又中宮私  
府令一人六百石本注曰宦者主中藏幣帛諸物裁  
衣被補浣者皆主之丞一人本注曰宦者又攷王莽  
傳自謂黃帝之後又以漢帝后爲定安太后號曰黃  
皇室主疑此亦莽所置之官然印文六字與莽制不  
合



吳氏金氏鼻璽

右藥府臧印案百官公卿表無藥府臧百官志有中  
宮藥長一人四百石本注曰宦者亦無此名然以臧  
爲藏當亦是漢印此印見范氏譜皆合云瓦鈕蓋即  
一印也



印存

右印文曰河隄謁者章案晉宋二史志皆言漢東京  
省都水置河隄謁者晉書職官志都水使者漢水衡  
之職也漢又有都水長丞主陂池灌溉保守河渠屬

太常漢東京省都水置河隄謁者魏因之及武帝省  
水衛置都水使者一人以河隄謁者爲都水官屬及  
江左省河隄謁者置謁者六人予攷酸棗令劉熊碑  
陰有河隄從事蓋即謁者之屬官也而郡國志皆未  
詳可以補其闕略

大年據印史摹補



右印文曰左河隄謁者印攷河隄謁者始置於後漢

魏晉因之然史志皆不言有左右之分故仍附此

桂氏



右黎陽謁者之印案兩漢黎陽皆屬魏郡攷續漢書  
百官志太尉注引應劭漢官儀曰黎陽謁者世祖以  
幽并州兵騎定天下故於黎陽主營以謁者監之兵  
騎千人復除甚重謁者任輕多放情態順帝改用公  
解守掾有清名威重者遷超牧守焉又後漢書南匈奴傳永平八年始置度遼營以中郎將吳棠行度遼

將軍事副校尉來苗左校尉閻章右校尉張將黎陽虎耳營士屯五原曼柏章懷注略同又言順帝遣黎陽營兵出屯中山北界注云黎陽先置營兵以南單于求復障塞恐入侵擾亂置屯兵於中山北界然則此爲東漢初物

大年據印史摹補

桂氏

右印文曰監營司馬案此當即監黎陽營謁者之屬


監營謁者比於將軍其下可置司馬也又後漢書安  
帝紀建光元年初置漁陽營兵章懷注引伏俟古今  
注曰置營兵千人也則漁陽亦可有監營之官也



印叢龜鈕顧譜鼻鈕

右印文曰沛祠祀長案地理志沛屬沛郡郡國志郡  
改國又百官公卿表詹事屬官有祠祀令長丞百官  
志有祠祀長本注曰主祠祀比四百石此印文曰沛  
祠祀長者攷後漢書光武本紀建武五年秋七月丁

卷之三  
二二一  
丑幸沛祠高原廟注前書音義曰原再也謂已立廟更立者爲原然則此乃沛之祠祀長印也沛爲高祖之鄉故別立原廟設此官以主其祠祀而史志皆未詳可以補其闕漏



塗金龜鉦

右印文曰奉車都尉案百官公卿表奉車都尉掌御乘輿車武帝初置秩比二千石百官志本注曰無員漢官曰三人此種官印今往往見之其文稍有不同

集古印譜所載巋字有作𦵹禱禱者

塗金龜鉢

龜鉢



右印文曰駙馬都尉案百官公卿表駙馬都尉掌駙  
馬武帝初置秩比二千石師古曰駙副馬也非正駕  
車皆爲駙馬一曰駙近也疾也百官志本注曰無員  
漢官曰五人下一印較小

龜鉢



右騎都尉印案百官公卿表宣帝地節二年初置騎都尉諫大夫使護西域三十六國有司馬候千人各二人百官志騎都尉比二千石本注曰無員本監羽林騎漢官曰一十人



印存

右騎司馬印案此當即騎都尉之司馬蓋印文用四字若但稱都尉則嫌與他官混故去都尉而以印字足之郡國志不言騎都尉有司馬此印當是西京物

大年據印史摹補



右印文曰車騎左都尉案印文五字與王莽時官印合其云車騎左都尉當即騎都尉之類亦莽所改置也又攷漢書匈奴傳言甘露二年呼韓單于款五原塞願朝三年正月漢遣車騎都尉韓昌迎則車騎都尉本西漢所置也



桂氏

右印文曰主爵都尉案百官公卿表主爵中尉秦官掌列侯景帝中六年更名都尉武帝太初元年更名右扶風與左馮翊京兆尹是爲三輔秩二千石百官志無此官則印爲西京時物

大年據印史摹補

范氏龜鑄



右印文曰屬國都尉案百官公卿表典屬國秦官掌  
蠻夷降者武帝元狩三年昆邪王降復增置都尉丞  
候千人屬官九譯令成帝元年省并大鴻臚又云屬  
國都尉武帝時置百官志每屬國置都尉一人比二  
千石屬國分郡離遠縣置之如郡差小置本郡名又  
郡國志武帝置屬國都尉主蠻夷降者中興建武六  
年省惟邊郡置之而攷其時屬國都尉凡六廣漢安  
帝時置蜀郡延光元年置犍爲永初元年置張掖武  
帝置遼東安帝時置志所謂安帝又命屬國別領比

郡者六也此但稱屬國都尉未知何屬



鼻鈕

右都侯之印攷都侯當即騎都尉或屬國都尉及將兵都尉之屬官也

龜鈕

右常樂右侯印攷隋書地理志敦煌郡屬縣有常樂云後魏置常樂郡開皇初郡廢改縣爲常樂有關官

然郡縣皆不應有侯惟後漢書有常樂亭侯俊爲綏  
邊將軍或敦煌郡舊有亭名長樂故後魏於此置郡  
敦煌乃邊郡故有關官也此印文五字與王莽時制  
合疑亦莽置之官印爲吳門王月勑口口所藏

顧譜穿鉦



右印文曰廣漢屬國都尉案郡國志益州刺史部廣  
漢屬國都尉云故北郡都尉屬蜀郡安帝時以爲屬  
國都尉別領三城攷後漢書西南夷東號子麻奴傳

初武都塞上白馬羌攻破屯官反判連年二年永和  
春廣漢屬國都尉擊破之斬首六百餘級



印存

右印文曰張掖屬國左盧小長案郡國志張掖屬國  
武帝置屬國都尉以主蠻夷降者安帝時別領五城  
又漢書匈奴傳右賢王犁汗王四千騎分三隊入勒  
屋蘭番和皆張掖縣張掖太守屬國都尉發兵擊大破之  
此左盧小長蓋屬國都尉之屬官以之備禦盧水胡

者也詳漢盧水阡長下又攷史記大宛傳言大夏在  
大宛西南無大王長往往城邑置小長又漢書西南  
夷傳言永元九年徼外蠻夷及禪國王雍由調遣重  
譯奉國珍寶和帝賜金印綬小君長則小長亦是蠻  
夷自置之官稱因此印不稱漢而加以屬國都尉故  
列屬國都尉之後

金氏塗金龜鈕



若印文曰將兵都尉攷御覽引漢書解詁云都尉將

兵副佐太守備盜賊也又後漢書南蠻傳和帝永元十二年夏四月南象林蠻夷二千餘人寇掠百姓燔燒官寺郡縣發兵擊討斬其帥餘衆乃降於是置象林將兵長史以防其患長史蓋即都尉之屬

印存



右強弩都尉章攷漢書匈奴傳有強弩都尉路博德而宋書百官志云彊弩將軍漢武帝以路博德爲彊弩校尉李沮爲彊弩將軍宣帝以許延壽爲彊弩將

車彊弩將軍至東漢爲雜號此不曰印而曰章與將軍同文用五字又與王莽時印合當爲莽時物



右章威都尉章攷章威之名不見於將軍此印文五字與前印及前車騎左都尉同當亦是莽時物

龜钮



右印文曰武猛都尉集古印譜曰漢何進使武猛都

尉丁原燒孟津火照城中又魏橫海將軍碑載呂君  
歷武猛都尉考其時乃建安中也中溶攷後漢書何  
進傳注云武猛謂有武藝而勇猛者取其嘉名因以  
名官也呂君碑見隸續猛字从犬旁而印文猛作鼴  
者繆篆也

瓦劙顧譜



右印文曰陷敵司馬集古印譜曰敵古戰陣字漢安  
帝元初中任尚募陷陳士擊羌零建安間樂進于禁

皆常爲陷陣都尉則此即其司馬也

桂氏



右印文曰陷敵破虜司馬攷後漢末有陷陳都尉而元初中左鹿蠡王須沈以助擊零昌封破虜侯則此當亦陷陣司馬之別名也

大年據許氏撻集古印譜摹補

吳氏



右印文曰陷陳募人攷後漢書西羌傳云任尚又遣  
假司馬募陷陳士擊零昌於北地此印當即所募陷  
陳之士也此印見范譜皆合云鼻紐蓋前爲范所藏  
也